

欽定科場條例

欽定科場條例卷二十七

場規

現行事例

一士子入場。不得飲醉紊規。接卷後各歸號舍。
違者卽行扶出。歸號後不許私出柵欄。如有闕
聚多人。紊亂場規者。將爲首之人。照例究治。
一士子接卷後。不許逗遛龍門。如有接談換卷
換號。及入場後踰牆換卷。隔牆傳遞代倩等弊。

並從旁愆惠者。照例治罪。

一監臨提調等官。有與太子認識者。不許差人傳送飲食果品。入號往來。

一京師貢院甬道兩旁。安設柵欄。各派委官專守。士子領卷後。稽查接談換卷大臣驗明卷面。分別東西文場。令由甬道下柵門入號。交卷卽由甬道徑出。不得任意駐足。偷歸號舍。亦不准另入別號。其水夫雜項人役。俱不准輕越擋木。私相授受。

一號口柵門。令承辦官親身督理。如式製造。士子入號後。即用大鎖嚴行封閉。儻不認真辦理。及偷減之處。經監臨知貢舉監試等官查出。將承辦官嚴叅議處。

一順天鄉試士子領卷入號封門後。監臨監試等分段入號親查。如監臨查號不力。責成監試。監試查號不力。責成監臨。互相指叅。八旗號舍。由彈壓副都統親身巡查。各號士子如有亂號。卽行扶出。其挺身肆鬧者。照例治罪。會試例同

一出題者試次月。士子務盡放出。以是日未刻爲限。盡令繳卷淨場。不准給燭。如有縱容踰限者。監臨提調及本生。一併議處。

一號口柵門。外加封鎖。須數人完卷。號軍稟請開柵放出。旋即扇閉。午後始不復封鎖。其不候官爲開放。及騎越而出者。立即拏辦。

一照出籤。提調官親書花押。黏貼籤上。士子交卷時。堂上委官一員。督同受卷官。照卷發籤。籤完繳進再發。龍門內照出委官。協同督門營弁。

驗明放出。如有假冒者。卽行攔住究辦。
一留闈委官書吏。均俟事竣出闈。不得自行告
假。其業經出闈者。不准藉端復入。違者委官叅
處。書吏責懲。

例案

順治二年定。士子入場。如有倩人代試者。倩代
與受代之人。一體照例問罪。官役知情容隱者。
連坐。

又定。場內臨期委能幹官二員。專察諸生領卷。

尋號時。有在號外停立者。登時扶送監臨詰問。既入號後。一切號外員役。不許私入號房。傳送茶湯。其繳卷時。監臨委官一員。坐堂上。嚴督受卷官收卷。委官一員。坐門內。出必點籤稽察。有卷發籤。籤完必繳。務令卷數與人數相合。毋使不完者闌出。其大門內關防。務極嚴緊。不許一人闌入。以杜傳遞。

康熙十八年覆准。場中如有踰牆換卷代作等弊。提調等官。察出題。叅從重治罪。如巡察不嚴。

事發。一併嚴加治罪。

康熙四十七年覆准。鄉會試出題考試次日。士子務盡放出。若次日內不能完卷。連宿場內者。將監試提調及本生。一併交部議處。

康熙五十三年覆准。舉子進院。多在龍門擁擠談論。恐有換卷代作諸弊。嗣後巡綽營官。或將遊擊。在京每翼副都統。一體入場。坐明遠樓前。同御史管理。務令舉子照卷號押進號舍。督同封固。不許私從柵欄逸出。若督理不嚴。將該

管官治罪。又代作傳遞等弊。每多號軍頂冒入場。易於作奸。應移咨提督衙門。嚴飭該管官員。務選正軍。面用印記。豫造簡明檔冊。送該管處。如違事發。將該管官治罪。又凡鄉會試。天晚不准收卷。卽行封門。又隔牆傳遞文字。窩鋪空孔等弊。皆巡綽官疎忽所致。嗣後貢院內隔斷牆垣。務高堅修築。窩鋪席棚。不許挨牆搭蓋。交與巡綽官員。令兵卒晝夜傳籌巡查。倘經弊發。除作弊者。從重治罪外。巡綽官俱交部議處。

雍正元年覆准。搜檢不嚴。號舍不清。棚欄不謹。巡瞭不密。致滋弊竇。嗣後中式之人。如有聯號換卷傳遞埋藏夾帶文字等弊。審實將不行查出之監臨提調監試巡察各官。照容隱例降二級調用。外簾搜檢及各所官。照溺職例革職。如通同作弊受賄者。交刑部計贓治罪。乾隆二十八年議准埋藏夾帶文字。自應責成外場搜檢各官。與本所官無涉。應行免議。其有聯號換卷傳遞等弊。所官不能查出。照溺職例革職。未免過重。應照失於查察例減為降一級留任。乾隆五十四年順天鄉試。萬治庭等聯號作弊。仍將截印官照例革職。

雍正十二年題准。各省鄉試。將號板俱按編字號。巡綽官飭令號軍看守。舉子點名入場。卽令各歸本號。不許復出。如有擅出柵欄。搬移號板者。令號軍卽時喊稟巡綽官。送監臨官究處。監試提調等官。仍逐號挨查。督同封固。如有聽從舉子往來滋弊者。一經發覺。將該管官一併題叅議處。

又奉

上諭。鄉會兩闈。乃國家大典。必須防範周密。令肅

風清。始足以遴拔真才。屏除弊竇。朕聞各省鄉試之年。官字號舉子入闈者。往往監臨提調等官。有差人餽送飲食果品之事。此雖無關於科場作弊。然當關防嚴密之時。有人來往號房。難保無日久僱倩傳遞之弊。且恐民卷之中。有力者亦可借此作奸犯科。不可不防其漸。嗣後著通行禁止。儻有仍蹈前轍者。一經發覺。卽照科場作弊例。將與受之人一同治罪。欽此。

乾隆三年覆准。士子入場。不按牌名。爭先擁進。

及接卷不歸本號者。該提調查明。卽行扶出。如有開卷多人。紊辭場規者。將爲首之人。斥革枷示。至有塗改鬼名。題詩寫稟者。提調官確查。除實係病狂誤書者。貼出免究外。其有意妄寫者。將該生斥革治罪。再令各教官。平時傳集諸生。嚴行訓諭。務使臨期一一懍遵。如仍有不遵約束。紊亂場規者。將該教官指名題參。降一級調用。

乾隆二十三年議准。淨場時刻。向例鄉會出題。

考試次日不能完卷連宿場內者監試提調及
本生一併議處今頭場用四書文三篇現增入詩一首
二場經文四篇律詩一首現改經文五篇較舊制篇數
多少懸殊完卷較易嗣後應以出題第二日未
刻爲限盡令繳卷放出如有縱容逾限者將監
試提調等照例議處

乾隆五十四年奉

上諭向來鄉會試士子出場之日例本不准給燭聞本
科鄉試多有遲至夜分始行交卷出場者以致昏黑

易於混雜。滋生弊端。殊非慎重科場之道。嗣後凡遇鄉會試。於士子出場日期。知貢舉及監臨等。務須先行出示曉諭。屆時嚴催早行交卷。斷不准其給燭。以杜弊竇。著爲令。欽此。

乾隆五十七年。監臨伊齡阿等奏准。士子入場點名授卷後。派委官按卷查明印戳。由甬道下兩旁分送入號。毋任駐足羈留。交卷後均令其領籤。由甬道徑出。不得任意偷歸號舍。卽水夫雜項人役。亦不得輕越撫木。私相授受。

嘉慶九年大學士保齡等奏。昌黎縣附生杜奎。熾於鄉閭。試卷內妄寫奏疏一案。奉

上諭。本日留京王大臣等。奏到覆訊杜奎熾供詞一摺。據稱近年出關民人。並無壅積。該犯亦俱知道。惟因年輕糊塗。欲圖上疏轉奏。可得好處。寫此奏疏。又見古文治安策中。言多激切。是以倣照書寫。並不敢有心悖謬。其父師及同來應試之孫文思等。並不知情。當經王大臣等。將該犯套夾。堅供不移等語。杜奎熾應試來京。輒於試卷上寫奏疏。希冀得官。且倣照古

文措詞激切。是該犯實係年幼無知。非有他人指使。惟當治以應得之罪。業經王大臣等再四嚴訊。更無別情。卽可照例問擬完結。除與該犯同寓之孫文思等二人業經釋放外。至伊堂叔杜作樞。現在雖未解到。亦據王大臣等訊明。並未見過疏藁。將來解到時。質對明確。果不知情。卽同該犯之父。均科以管教不嚴之咎。可也將此諭令知之。欽此。

又貴州巡撫福慶奏。查明所中舉人三場墨卷筆跡不符。審究奏。

聞一摺奉

上諭。福慶奏查出本年貴州鄉試第十八名舉人倪兆奎。第三場墨卷。前後筆跡互異。訊明倪兆奎。因患病不能完場。托同號生員胡姓等寫完交卷。實無許給銀錢代倩等情。將倪兆奎革去舉人。再行徹底嚴訊等語。鄉試中式舉人。若果有槍倩情弊。自應嚴辦。今倪兆奎帶病入場。五策草稿俱已做就。委因第一二道謄完後。寒熱交作。眼花手顫。不能書寫。恐致貼出托同號之人寫完。適邀中式。現據該撫傳令默寫頭

二三場詩文策稿均無舛錯。又經出題面試文理亦屬通順。且驗得該舉人病髮尚在未剃。面色黃瘦。可見患病屬實。而代膳之同號生員倪兆奎尙不能舉出名字。是其平日本未熟識。非預爲僱倩可知。看來此事並無關弊竇。倪兆奎尙可加恩留其舉人。惟試卷托人代膳究有不合。著罰停會試一科。已足示儆。其代膳之同號生員及外簾失察各員均從寬免其置議。欽此。

嘉慶十三年奉

上諭鄉會試爲掄才大典。必須諸弊肅清真才乃出。向來內場舞弊法令綦嚴。人知凜畏。近年朕遴派主考大員。率同房考等悉心校閱。尙知秉公衡鑑。未必有作奸犯科之事。在諸臣各知自愛。朕亦不疑及此。惟外場弊竇尤多。定例責成監臨。知貢舉綜理。並特派搜檢及稽察龍門接談。換卷王大臣自至公堂。以及輒門復均派有御史監察。卽棘闈以外。又有巡牆御史並營員等周圍巡邏。立法本爲周密。無如近日風氣因循。塞責者多。實心任事者少。沽名邀譽者多。不

避嫌怨者少。近聞外場官員頗涉疎懈。竟不免有傳遞代倩等弊。若不嚴爲剔除。則不才者妄思僥倖。而實學轉致淪棄。殊非慎重科場之道。本年會試屆期。誠恐外場官員仍蹈積習。且彼時正值朕巡幸淀津。或司外場者憚於啟事。意存鬆懈。諸務辦理草率。不可不預行申誡。所有此次會試外場事宜。著責成知貢舉。並派出搜檢及稽察龍門接談換卷各大臣。並科道等一體認真嚴查。詳悉示諭。務令士子等凜遵功令。恪守科條。毋許有接談亂號等事。其棘闈以外

巡邏之御史及步軍統領衙門官員並當加意巡察。不得視為具文。儻防範不嚴。有意寬縱。以致士子罔知儆惕。或有傳遞代倩等弊。一經發覺。除將作弊士子按律治罪外。所有派出大小各員。均干嚴議。凜之慎之。欽此。

又奉

上諭。朕惟立法之道。小懲大誡。則罹辜者少。凡事當弊端初起之時。有人執法揭奏。鮮不以爲苛刻。不知因此杜絕奸宄所保全者甚衆。若相率因循。使作奸犯

科者肆無忌憚日久必致釀成巨獄。卽如本日辦理盛佳侵蝕工銀一案。設當盛佳獸法之初。彼時有直言者登之白簡。立卽將盛佳撤回。加以懲創。尙不至任其貪黷。縱恣潰敗。若此其甚。今成此巨案。朕明罰勅法有罪必誅。然揆之刑期無刑之心。實不願及此也。因思比年以來。頗聞場中傳遞代倩接談換卷諸弊滋生。考試爲掄才大典。懲奸除僞。定法綦嚴。與其重罰於事後。何若嚴禁於事前。茲降旨申誡。凡鄉會試派出之監臨知貢舉。及有稽查巡查之責者。務各

振刷精神。嚴查弊竇。設有行險僥倖之徒。一經緝獲。卽指叅究辦。不得摘取一二細故。以見其查覈認真。而於真實弊竇所在。轉置之不問。若經此番訓飭之後。仍因循怠玩。市惠沽名。或將來有科場舞弊之案。別經發覺。在作弊者固身罹重典。其監理稽查場務之人。亦必從嚴懲處。斷不能寬貸。毋謂朕言之不早也。將此通諭知之。欽此。

又刑部議准。已革文生員吳直。於試卷內妄言軍情大事。僅止希圖倖進。並無妖言惑衆情事。

固未便卽律以妖言惑衆之罪。惟其歲試並不
照題作文。輒於卷內逞臆忘言。亦未便僅照上
書希求進用擬杖。卽如該督等所奏。此照驀越
赴督撫按察使官處。告機密重事不實例擬軍
亦覺情浮於法。吳直應請

旨發往新疆充當苦差。以昭炯戒。

嘉慶十四年奉

上諭。御史陳中孚奏慎重選舉一摺。科場爲抡才大典。
自應嚴剔弊端。外省調派內簾。應用科甲出身人員。

聞各省士子。往往有預先拜謁交通關節之事。該督撫等尤應慎選奉行端方。學問優長者。方行檄派。毋得濫行調取。致啟鑽營之端。此外如鄉會試入闈各員。於熟識士子。致送薪水食物。親至號口接談。代改詩文。查取題目。及隨帶家人書吏。代爲夾帶。交通謄錄。找尋試卷諸弊。皆應嚴行查禁。嗣後著派出之知貢舉監臨。及各省督撫等。實力稽察。有犯必懲。以期仰副甄拔賢才之至意等因。欽此。詳在考官士子關防門

嘉慶十八年奉

上諭。據給事中楊懌曾奏稱。本年江南鄉試辦理不善。遲至初九日已刻始行封門。并聞士子有因擁擠受傷之人等語。各省鄉試場門啟閉。有一定日期。該省本年文闈頭場。何以遲至初九日已刻始行封門。以致士子擁擠受傷。該監臨朱理。何以並未具奏。楊懌曾原摺著發給閱看。令朱理明白迴奏等因。欽此。嗣據奏稱。江南今科應試士子。比前尤盛。又兼連次大雨。道路泥濘難行。諸生惟恐失點不無爭先擁擠。以致進闈未能迅速。至初九日辰刻始

得點竣封門。尚未遲至已刻所有題紙係在內。簾刊刷封門之後始開內簾門。將題紙發出分散其中毫無情弊。至各屬士子未聞有擁擠受傷之人。惟究係辦理不善。以致封門遲延。應請旨將臣及提調江寧鹽巡道昌德。監試蘇松糧道何學林。一併交部分別議處。

嘉慶二十四年。順天府奏。據監臨何桂等。於三場查有規避坐號。冒領試卷之生員陳永泰等五名。訊錄供詞。移交到臣衙門。並據移稱。業經

奏明在案。臣等復將該生等覆加研訊。據供因恐坐棚號。是以將已投不到之卷冒領。希圖得坐。輒號委無別情等語。與該監臨等所訊無異。臣等隨飭提該生等頭二場冒領之卷。均在其寓內起出。驗明俱係白卷。並無字蹟。其非槍冒無疑。查規避坐號。別無情弊者。例無明文。但該生等應試入闈。自應恪守

功令。因恐坐棚號。輒冒領不到之卷。究屬不合。該生員陳永泰、韓耀康、勵隅、戈用敷、孫錫五名均

應照不應重律杖八十。照例辦理等因。奉

旨。知道了。欽此。

道光二年覆准。山西巡撫咨稱。忻州副榜梁林
燮。於鄉試場內。越號覓人售賣試題文字。尙未
尋得買主。卽被拏獲。焦耀鱗。訊係聽從業師梁
林燮。誑令謄稿。並不確察。卽爲謄寫。充屬冒昧
不合等因。查此案。山西忻州副榜梁林燮。於鄉
試場內。越號覓人售賣文字。殊屬玩法。應如該
撫所擬。革去副榜。照例杖一百。遞籍。至生員焦

耀鱗聽從業師梁林燁謄稿並不確察。究屬旨
味不合。亦應如所咨。照不應重律杖八十。係生
員發學戒飭。免其斥革。

道光三年奉

上諭程含章奏生員呈控舉人胡鉞係槍代中式一案。
江西壬午科舉人胡鉞被控僱倩生員余昞槍代中
式。經該撫令其默寫闈墨。字句間有錯訛。而指控之
槍手余昞。又未到案。保無實有槍代情弊。至原告丁
鳴岐等。見胡鉞謄寫另紙草稿。當時並不稟究。直至

揭曉兩月之後始行出控恐有圖詐情事。高安縣舉人胡鉞生員丁鳴岐談本胡坦之胡應岐龔震亨朱振榮著一併斥革。並著將胡鉞中式墨卷發交該撫覈對以成信讞。欽此。續據護理江西巡撫嵩溥審明定擬具奏奉

硃批刑部議奏。欽此。經刑部會同本部議覆此案已革舉人胡鉞於壬午科鄉試開墨次藝全行抄錄已故熊翀舊文倖邀中式現經訊明胡鉞並無僱倩槍代情弊自應按例問擬應如該護撫所

奏。胡鉞應照全篇抄錄舊文。俾中例。黜革舉人。所有主考同考各官。照例免議。該護撫奏稱。生員余昞。訊無受僱槍代。惟旣知胡鉞抄錄舊文。並不據實稟首。輒行揚言恐嚇。得賊隱匿。應照恐嚇取財科斷。余昞得贓二十兩。折實銀十八兩。應於竊盜贓一十兩杖七十上。加一等杖八十等語。應如該護撫所奏辦理。再該護撫奏稱。余昞係行止有虧。應斥革衣頂。計責發落。已革生員丁鳴岐。談本胡坦之。胡應岐。龔震亨。朱振

榮。究無挾嫌圖詐情事。其指捏胡鉞僱倩槍代。雖未得實。究因余昞始則揚言。繼復避審。以致懷疑誣告。且現在究出胡鉞錄舊倖中。余昞受賄隱匿。是該革生等所控。尙非無因。應免置議。所革衣頂。並請開復等語。查生員余昞。既知胡鉞抄錄舊文。並不據實呈首。復恐嚇得贓賈屬。行止有虧。應如該護撫所奏。黜革辦理。至已革生員丁鳴岐。前據呈稱。與已革舉人胡鉞同號。見胡鉞另紙草稿。詳究根由。胡鉞自認余昞所

作等情。今既審明胡鉞係抄襲舊文。並非槍代。則丁鳴岐所控圍中各情節已屬全誣。已革生員應不准其開復。又已革生員談本胡坦之胡應岐龔震亨朱振榮等。以胡鉞不通文理。槍代倖中等詞具控。既據訊明。並無挾嫌圖詐。現已審出。胡鉞實係錄舊倖中。該革生等所控。尙非無因。所有談本等五名。所革衣頂。應如該護撫所奏。准其開復。但以不干己事。隨同訐控。實屬多事。不守臥碑。仍發學戒飭。以示懲儆等因。奉

旨依議欽此。

道光五年。准刑部咨。據順天鄉試監臨奏送頂名冒卷之監生孫樹滋等一案。此案張恭因孫樹滋僱倩槍冒。許謝銀兩。遂與孫樹滋頂名換卷。業已入場。卽屬已成。張恭孫樹滋合依代倩槍手已成枷號三個月。發烟瘴充軍。僱倩之生童與同罪例。各枷號三個月。發烟瘴地面充軍。張恭孫樹滋衣頂業經先行咨革。王式金訊無包攬分贓情事。惟該生身爲士子。不知安分守

己乃於孫樹滋等商量舞弊時並不力爲勸阻。
反從旁慫恿。實屬有玷士品。查例無代倩槍手。
僅止在旁慫恿。作何治罪明文。自應酌量問擬。
主式金應照不應重律杖八十。雖係欽天監肆
業天文生。不准收贖。其應否斥革。事隸禮部等
因。查現充欽天監算學生山東海陽縣附生王
式金。雖無包攬分贓情事。惟於孫樹滋等商量
換卷時。從旁慫恿。實屬行止有愆。應行斥革。

又奉

上諭御史劉尹衡奏請嚴禁鄉會試積弊一摺。國家設科取士。必先嚴除弊竇。方能拔取真才。如該御史所奏。文闈士子越號換卷。不可不嚴行飭禁。嗣後文闈鄉會試。令巡號御史會同滿漢監臨。及至公堂監試。御史按號分查。並責成監臨等。常川認真巡查。以防弊混等因。欽此。

道光八年奉

上諭。凱音布等奏散卷科道辦理不善。請旨交議。並自請議處一摺。本年順天鄉試。士子入場。偶值驟雨。擁

擠擦損試卷至三百餘本之多。雖經照數換給。該給事中。等專司點名散卷。辦理不善。實難辭咎。蘇泰廖敦行俱著交部議處。凱音布何凌漢未能先事預籌。著一併交部議處。欽此。

又准刑部咨稱。准至公堂咨送筆帖式桂齡。僭廩生龍秀。代作詩文具呈自首。案內廩生龍秀。因與筆帖式桂齡。同應鄉試。輒貪利應許。於場內越舍換寫文字。雖入場適遇同號。並未越舍。文稿經桂齡燒燬。亦未換寫。惟事關科場舞弊。

弊。且賊已入手。殊難寬縱。仍照例科斷。龍秀除計賊輕罪不議外。應革去廩生。依越舍與人換寫文字者。發近邊充軍。係旗人折柳滿日鞭責。發落賊錢照追入官。桂齡雖經自首。惟已付交龍秀錢文。未便全與免罪。應革去筆帖式。大興縣生員張光仲筆帖式廷桂代爲說合。過付錢文。卽與爲從無異。張光仲應革去生員。廷桂應革去筆帖式。均於龍秀軍罪上減一等。杖一百。徒三年。劄發順天府定地充徒。到配折責安置。

道光十一年議覆給事中劉光三奏科場士子恃衆玩法亟宜嚴加整頓一摺奉

硃批大學士軍機大臣會同禮部議奏欽此竊惟三載賓興爲掄才大典理宜科條整飭弊竇肅清方足以拔真才而端士習科場條例載點名搜檢接談換卷監試彈壓各事宜立法本極周密惟日久懈生近年士子入場竟有擁擠喧嘩之事誠如該給事中所奏懷挾槍替之弊恐所難免自應嚴加整頓實力奉行謹查照舊例及該給

事中所條陳者悉心參酌逐條議覆於左

計開

一奏輒門外各設柵欄

詳載貢院

一奏士子入場點名散籤

詳載入聞點名

一奏點名不到士子逐一查問

詳載入聞點名

一奏士子接籤後例應以次進門聽搜

詳載入聞點名

一奏搜檢士子

詳載搜檢

一奏士子應名領卷

詳載入聞點名

一奏稱定例士子接卷到手即令入號不許在

外歇守惟近日士子接卷後每多呼朋喚友左
右觀望巡綽員弁催令入號陽奉陰違嗣後請
責成稽察接談換卷王大臣及監臨彈壓等官
認真巡察催令歸號等語查定例士子接卷後
不許逗遛龍門歸號後不許復出柵欄如有接
談換卷換號等弊及閑聚多人紊亂場規者俱
照例治罪自應申明舊例辦理大門以內責成
稽察大臣龍門以內責成監臨彈壓等官督飭
巡綽員弁認真巡察士子已領試卷立催入號

不許片刻逗遛其已入號舍者不許復出柵欄
違者卽行扶出倘各員稽察不嚴聽內場監試
叅處

一奏稱向例士子入闈封門後監臨監試提調
等官逐號嚴查以杜亂號之弊惟近來封門稍
晚該監臨等不能逐號親查嗣後請派妥實委
官分號代查仍將某號係某官親查某官代查
登記號簿至入旗士子應請卽令彈壓副都統
查看倘有亂號等弊卽將原查官叅處等語查

逐號巡查。原係監臨等官專責。如遇封門較晚。派委官代查。本係一時權宜。委官等職分較小。查號時。亂號士子。抗不服查。則登簿叅處。仍屬有名無實。與其嚴查於亂號之後。何若預禁於歸號之時。請於士子進號時。責令看柵官役。驗明卷面字號相符。方准放入。而既入此號者。不准復攜器具。移居彼號。未經封門之先。如此號人數已滿。即將此號柵門鎖閉。封門後。監臨等官。仍逐數親查。卽時刻稍晚。亦應該監臨等分

段抽查以專責成。至八旗號舍無多。應令彈壓副都統親身巡查。以杜越號之弊。

一奏稱各號口例設柵欄。以嚴出入。乃近日號口木柵寬不過一寸有奇。厚僅數分。隨手啟閉。事同兒戲。請嗣後各號口。令用三寸方木。做成小柵欄。加以屈戌封。則用鎖開。必用鑰等語。應如所奏。各號口柵欄。飭令承辦官吏。選用粗厚堅實木料。安置牢固。高與號檐相齊。外加封鎖。每遇交卷時。須有數人完卷。號軍方稟請委官

開柵放出。旋即扃閉。如是數次。午正以後。柵門始開。不復封鎖。已出者不准復入。亦不准另入別號。以杜倩替之弊。

一奏稱。每號舍各有號板數片。爲士子之用。乃近日號內水夫等。膽敢偷竊。希冀售賣取利。而卑鄙士子。輒將鄰號之板。偷爲己用。竟致一號之內。隻板俱無。該士子向委官索取板片。呵斥潑鬧。請嗣後於各號壁。上書明板數。並於板上標明字號。以便查對等語。應如所奏。先期飭令

承辦官吏。將各號之板。以鋪滿爲度。並於各板上標明號記。如地字一號。卽寫地一字樣。號壁上亦書本號共板幾片。號軍入號後。令委員督率號軍。逐號點查。責令看守。如士子進號時。有號板短少者。卽告知委員。督同號軍入號搜查。歸還本號。如係號軍藏匿。卽行嚴懲。遇有破壞不平者。仍准向委官換用。

以上十條。臣等公同覈議。係爲整頓場規。嚴防弊竇起見。謹詳細叅酌。合詞繕摺覆奏。恭候

命下。行知順天府步軍統領衙門。自壬辰科順天鄉試。爲始。查照新例。認真辦理。再查會試與鄉試。事同一例。所有臣等酌議各條。除四門點名。會試例有專條。仍行照舊辦理。其餘各條。明年壬辰科會試。卽照奏定章程辦理。以歸畫一。等因。具奏。奉

上諭。大學士等奏遵旨會議。整頓場規。以肅功令一摺。前據給事中劉光三奏。科場士子恃衆玩法。亟宜嚴加整頓。當令大學士。單機大臣。會同禮部議奏。該給

事中原摺所稱十條。已屬詳備。茲據大學士等。復查
舊例。悉心參酌。分別准駁。逐條議覆。俱甚周密。鄉會
試爲掄才大典。必須科條整飭。弊竇肅清。方足以拔
真才而端士習。豈容視功令爲具文。任令擁擠喧嘩。
致啟懷挾槍替之弊。著自明年會試爲始。卽照新定
章程。認真妥辦。仍將各條先期出示。嚴切曉諭。俾眾
士子各知凜遵。倘不實力奉行。仍有擁擠等弊。俱著
責成科道。據實嚴叅懲辦。欽此。

道光十二年奉

上諭。鄉會試爲掄才大典。必須整肅場規。嚴防弊竇。方足以端士習而拔真才。上年給事中劉光三陳奏。科場士子恃寵玩法。亟宜嚴加整頓。當令大學士。軍機大臣。會同禮部議覆。該給事中所陳十條。尙屬周密。本年會試屆期。立法伊始。除知貢舉遵照前降諭旨。先期出示。嚴切曉諭外。恐不肖士子。尙不免恃符藐法。作奸犯科。用再剴切誥誡。各省士子。務各凜慮洗心。恪遵功令。黜名時。魚貫而入。毋得仍前混行擁擠。如有遲誤。靜候補點。其不遵約束。肆行喧鬧者。著

壓總兵拏究。已接籤者。不許復出轍門。已領卷者。不准復出號舍。如有懷掖。立即懲辦。誤帶者。雖免治罪。仍不准其入場。其八旗士子。令彈壓副都統親身巡查。不准越號。並著責成搜檢王大臣。稽查接談換卷。彈壓副都統。兩翼在城總兵。會試知貢舉。遵照妥辦。如不實力奉行。著監試御史。據實指名叅奏。本年鄉試。卽照此次會試。一律辦理。朕開科取士。以備國家任使。此日之舉子。卽異日之考官。豈容魚目混珠。倖邀錄取。一經查出弊竇。卽按律嚴懲。朕言出法隨斷。

不輕貸。毋謂訓誡之不早也。將此通諭知之。欽此。

又奉

上諭。朱士彥等奏。二場查出亂號之順天生員陳元暉。未經領卷。先混入場之直隸生員徐最亭。均卽逐出。辦理尙屬認真。向來派出稽察接談換卷。有無情弊。從未查出具奏。可見沽名釣譽。討好士子。全不以剔釐弊端爲事。本年經朕降旨。諄諄告誡。此次稽察。卽有混亂場規之生員二名。而苟且混入者。仍所難免。嗣後該士子等。務須恪遵功令。毋以身試法。求榮反

辱其派出之大臣等。總當認真辦理。不可視為具文。
日久生懈。欽此。

又奉

旨奎照等奏。查河南府吳橋縣廩生季景畿稟稱。同縣
舉人方熙。有項貢阜城縣監生劉姓入場情弊。願二
場皆與伊堂弟季方甸同號。囑勿聲張等語。季景畿
季方甸著交刑部訊問確情。據實具奏。其在逃之方
熙等。著步軍統領衙門。順天府五城一體密速查拏。
務獲歸案審訊。欽此。

又刑部奏准順天鄉試監臨奎照等奏本年鄉試頂冒入場一摺奉

旨此案方熙頂替阜城縣監生劉兆慶入場舞弊已據方伯勳徐最亨指証確鑿與李景畿等供俱昭合。舉人方熙監生劉兆慶俱著斥革。李景畿等著解交直隸總督轉發各該處原籍取保候質。並飭屬一體嚴拏方熙劉兆慶到案。就近提訊明確。按例懲辦。欽此。

又順天鄉試監臨奎照等奏查有情人頂替情弊一摺奉

旨。蓋平縣附生張輝斗。著交刑部審訊。欽此。准刑部咨。准此案。張輝斗來京鄉試。央請楚崧入場頂替。僅許中後酬謝。並未交付銀兩。亦未許有確數。惟已頂名入場。係屬已成。自應按例問擬。張輝斗應革去附生。合依代倩槍手頂名入場。已成者。不分有無立約。口許虛賊。俱照誑騙已成例。枷號三個月。發烟瘴地面充軍。在逃之湖南舉人楚崧。應移咨禮部先行斥革。

道光十四年。山東巡撫鍾祥奏訪出鄉試包攬。

傳遞併私雕假印。包辦飛卷人犯。於場前拏獲。
審訊情形一摺。奉

上諭。鍾祥奏訪拏鄉試舞弊人犯。請將教職營員等革
職嚴審一摺。鄉試爲抡才大典。防閑周密。方可選拔
真才。豈容奸僞之徒。勾通舞弊。茲據該撫查出。該省
鄉試竟有包攬傳遞。並私雕假印。包辦飛卷等弊。卽
於場前訪獲究辦。查拏認真。可嘉之至。所有德平縣
捐職訓導信會來。歷城縣捐職從九品鈕華庭。撫標
左營世襲雲騎尉候補守備馬德佑。右營候補把總

朱士傑俱著革職。邱縣舉人王敬敷著卽斥革。交該撫提同案內各人犯嚴行審訊。勿任其狡展。勿有意開脫。務得確情。按律定擬。其在逃之浙江舉人王治著浙江巡撫卽速飭拏。務獲歸案辦理。並飭各該縣卽將逸犯姜瀚生等按名弋獲。解省審辦。該部知道。欽此。

道光十五年。議覆御史曾望顏奏稱。龍門內稽察接談換卷之大臣。應令士子入龍門時。取卷呈驗。查係東文場坐號。卽令入東柵門。係西文

場坐號。卽令入西柵門。不准由甬道行走。以防東西混亂之弊。等語。應如所奏。士子入龍門時。由稽察接談換卷之大臣。查看卷面。分別東西。令入本號。以防混亂。

又奏。號口柵門。近日木料薄小。並不如式製造。上下門筍。祇用小皮一條。小釘輕繫。全不結實。請嗣後責成承辦官。親自督理。務選堅實整木。照依三寸方厚。如式製造。高與檐齊。上下門筍處。必用壯鐵圈套入牢釘門柱上。其門環處。必

用堅壯鐵鍊相扣預備堅厚大鎖於士子進號後嚴行封閉。儻不認真造辦查出將承辦官嚴叅等語應如所奏。嗣後責令承辦官如式製造儻有偷減之處經監臨知貢舉監試等查出卽將承辦官嚴叅議處。

又奏照出之簽本年會試每簽俱有提調硃筆畫押黏貼其上受卷吏一手接卷一手付簽責成龍門照出之委官協同督門營弁查收如有士子無簽及持假簽斷簽而無硃押者卽行擎

住押回至公堂查訊。如此則槍倩無卷者固難混出。而士子有不完卷及一切犯規。恐被貼出。欲將試卷私帶出場者。亦不能混出等語。應如所奏。嗣後照出簽士。均令提調官親筆畫押。黏貼簽上。龍門照出。委官協同督門營弁。驗明照出簽。有提調畫押者。方准放出。以杜假冒之弊。又奏。每場第三日。士子完卷時。科道督令東西文場委官。帶領吏役分守號棚。有完卷者。隨時開放。如有不候官爲開放。自行扭開鎖門。或騎

越而出者。立即拏辦等語。查定例遇交卷時。有
數人完卷。號軍稟請開柵放出。旋即扇閉。午正
以後柵門始開。不復封鎖。自應遵照定例辦理。
其不候官爲開放。自行扭開鎖門。及騎越而出
者。應如所奏。立即拏辦。以示懲儆。

又奉

上諭給事中汪報原奏。本年辦理鄉場。於士子亂號之
弊。既經查出。仍復含糊不辦。請旨飭查一摺。著監臨
監試御史明白廻奏。此等亂號之弊。既經查出。自應

照例辦理。若仍照舊將試卷發牘。則亂號者益無顧忌。辦理殊屬輕縱。查弊係該監臨等專責。儻經此次飭查。仍復迴護徇隱。則其咎益重。將來別經發覺。惟該監臨等是問。欽此。

又奉

上諭。前據給事中汪報原奏。本年鄉場。士子亂號。既經查出。仍復含糊不辦。當降旨交該監臨監試御史明白。迴奏。茲據奏稱。士子領卷歸號。逐一挨查。惟二場餘字號監生楊世淇亂號。當卽照例扶出。其餘均屬

安靜等語。場中士子衆多。亂號之弊。不能保其必無。該給事中既未將亂號姓名。據實指參。無從究辦。惟嚴查弊端。係該監臨等專責。嗣後務當遵照定例。實心查察。遇有亂號士子。卽當認真嚴辦。不准託詞。以人數衆多。意存姑息。將來別經發覺。或被科道糾參。惟該監臨等是問。欽此。

又奉

上諭。前據給事中汪報原奏。本年鄉試士子亂號。旣經查出。仍復含糊不辦。當降旨交該監臨監試御史明

白廻奏。旋據該監臨等聯銜具奏。入闕後查出二場
餘字號監生楊世淇亂號。當卽照例辦理。茲據光祿
寺少卿曾望顏奏。參監臨覆奏不實。請旨嚴飭查辦。
著監試給事中佛恩多德成。御史宗賡多斌帥方蔚
馮元錫袁文祥劉夢蘭各自具摺據實覆奏。不准彼
此商同。含混隱飾。稍有不實不盡。如果據實陳奏。尙
可量加寬宥。儻仍含混諱飾。則是有心蒙蔽。甘蹈欺
隱之習。卽不得爲大清國臣子矣。朕言出法隨。該監
臨等具有天良。其各力湔積習。直陳無隱。勿貽後悔。

欽此。

又奉

上諭。昨據光祿寺少卿曾望顏奏。監臨等覆奏不實。請旨飭查。當降旨令監試給事中佛恩多等。據實覆奏。本日據佛恩多等各自具摺明白迴奏。所稱情節大略相同。此次順天鄉試。既將號單逐號散給。令各該主親書姓名年貌籍貫。自應與號戳底簿逐細覈對。方可得其亂號實據。卽因爲時甚促。未及逐校對。逮經有旨飭查。該監臨監試等。自當將實在情形。

據實覆奏。並將從前未經奏明之處。自請交部議處。乃該監臨等聯銜具奏。僅稱查出二場餘字號監生楊世淇亂號。當經照例辦理。其於填寫號單。未及與號戳底簿詳晰校對。並不據實聲明。實屬含混。監臨惟勤蔡世松。監試給事中佛恩多德成。御史宗廣多斌。帥方蔚馮元錫袁文祥劉夢蘭。俱著交部嚴加議處。嗣後鄉會試號單底簿。互相核對。有無窒礙難行之處。著禮部查覈具奏。至前交刑部收管聽訊之至公堂當差書吏。尙無弊竇。著卽釋放。欽此。

又議奏鄉會試查號遵照定例辦理一摺奉

上諭鄉會試爲抡才大典。士子讀書當知自愛。其有因人數衆多。傲倖亂號。以身試法者。雖設有號單底簿。互相覈對。誠恐稽查未清。轉不無遺漏舛錯。其亂號士子。或託人代填。或捏寫謊名。卽欲杜絕弊端。無從查對。事屬有名無實。自無容稍存遷就。茲據禮部將查號之法。遵旨覈議具奏。於認真辦理之中。立法仍歸簡易。嗣後著仍照定例辦理。其士子進號。旣經看棚官役認明卷面字號相符。如號數已滿。卽將號棚

鎖開封門後監臨監試等仍分段入號親查如監臨查號不力責成監試監試查號不力責成監臨互相指叅毋許稍有徇庇姑容致滋弊混其八旗號舍卽著彈壓副都統親身巡查以專責成各號士子如查有亂號卽行扶出設爲時已晚未便開門卽將試卷扣除並將該士子交至公堂派員看守俟放牌時扶出其有挺身肆鬧者照例治罪欽此

又覆准福建巡撫魏元烺咨稱浦城縣生員陳嘉祥鄉試誤坐號舍雖訊無槍替別情第擅改

卷面究屬不合。應如所咨斥革。

又奉

旨。珠隆阿著發往盛京。交該將軍嚴加管束。葉卓桂著發往近邊充軍。白幅王二俱不准其查辦。留養餘著照所議辦理。其在逃之盛颺。戈廷本著步軍統領衙門。順天府五城直隸總督。江西巡撫一體嚴拏。務獲究辦。已革生員戈廷本前經降旨飭拏。直隸河間地方距京不遠。該督曾否將該犯上緊緝拏。何以至今尚未據覆奏。殊屬延玩。著該督飭屬迅即查拏。解京

審辦其失察葉卓桂換卷珠隆阿傳遞之監臨監試
巡牆御史及失察儒麟頂名入場之族長學長著交
宗人府及各該部議處並著會同具奏欽此。

道光十六年奉

上諭御史況澄奏上年科場失察士子換卷請將稽察
接談換卷大臣一律議處一摺著交原派之大臣俟
盛闕訊明定案時一併具奏欽此。

道光十七年奉

旨隆文等奏查出中式一百二十六名之江南監生戴

煥文頭場卷面塗改坐號形蹟可疑。與前次查出卷面情弊無異。著刑部提傳書吏胡中欽等。嚴行查訊。歸案辦理。欽此。續准刑部咨。將該舉人斥革審辦。

又奉

上諭。裕泰奏請將鈔襲舊文倖中之舉人斥革審辦一摺。江西本年鄉試都昌縣中式第十七名舉人黃佑祥。頭場首藝鈔襲舊文倖中。難保無懷挾傳遞情弊。至生員李葆光事不干已。輒隱匿本名。並改註宋鴻文等籍貫。聯名具控。顯係挾嫌圖詐。俱應徹底嚴究。

新科舉人黃佑祥著卽斥革。交該撫提同已革生員李葆光並案內人証嚴審確情。按律懲辦。欽此。

又覆准吏部咨奉

旨。考試爲掄才大典。無論何項考試。總宜場規嚴肅。方能選拔真才。如有作奸犯科等弊。一經查出。自應密速拘拏。嚴行懲辦。此案提調官順天府治中資鎮衡於童生姜錦冒考。旣經叅領指出槍替。未能立時拘拏。以致乘間逃逸。非尋常疎於防範者可比。資鎮衡著降一級留任。不准抵銷。嗣後關涉科場處分。無論

大小官員俱著吏部照例議處。專摺具奏。將應否准其抵銷之處。聲明請旨。毋庸具題。以昭慎重。欽此。

又議覆御史朱淳條奏。清釐科場弊竇一摺。查科場要務。首在嚴密關防。以杜積弊。科場條例所載場規各條。於防弊之法。已爲周密。惟除弊務期盡淨。而立法不厭求詳。如該御史所奏。慎重試卷。嚴防吏役。均係爲整飭場務起見。謹詳查例案。悉心參酌。逐條議覆於左。

計開

一奏添設外收掌一員收發試卷詳載順天鄉試執事官員駁案

一奏添派委官看守卷箱詳載順天鄉試執事官員

一奏會試添外收掌一員詳載會試執事官員

一奏稱受卷彌封兩所人役均由謄錄書手內

選充事竣之後卽令出闕不可仍歸謄錄寫卷

等語查外簾各所均應分別關防此項人役既

在受卷彌封兩所辦事其於各生詩文紅號不

難記憶若令仍歸謄錄則消息潛通關防殊爲

不密應請嗣後鄉會試責成知貢舉監臨於受

卷彌封完竣後。飭令兩廝人役。隨同外簾。隨時出園。毋得任聽逗遛。致滋他弊。

一奏稱。委員書吏等。於派定留園之後。往往任意告假出園。或五日。或十日。仍復入園。種種弊端。殊難防範。應請嗣後三場完竣。既經留園之官吏。不准告假等語。查場內執事人員。均有定數。三場完竣後。酌留委員書吏。不過數人。各有專司事件。何得隨時告假。致滋贖誤。且關防之密。全在嚴隔內外。方可杜絕弊端。若令此項人

員任意出入流弊何所不至應如所奏嗣後留
聞之委官書吏等均俟事竣出闈不得自行告
假其業經出闈者更不准藉端復入經此次明
定章程之後如有仍蹈前習者委官叅處書吏
責懲等因奉

上諭前據御史朱淳條陳科場弊竇各款當交禮部議
奏茲據該部查明鄉會試試卷戳印後並無專員管
理著照所議嗣後均准添派至公堂委官二員專司
看守以杜書吏偷改描摹之弊所有該御史所請鄉

試增添外收掌一員。其理收發試卷之處。著毋庸議。至會試外收掌事務。向由提調兼辦。並著照鄉試之例。設外收掌一員。以專責成。其受卷彌封兩所人役。承辦事件完竣時。由知貢舉監臨隨時查明。飭令隨同外簾官一併出闈。毋許逗遛滋弊。至三場事竣。酌留委官書吏人等。概不准告假出闈。其業經出闈者。亦不准藉端復入。自此次明定章程之後。會試責成知貢舉。鄉試責成監臨。並監試各御史認真查察。如委官書吏等。仍蹈前轍。別滋事端。卽行分別叅處。責

懲毋稍寬縱。儻意存隱飾。別經發覺。定將該知貢舉。監臨御史等。嚴加懲處。決不寬貸。餘依議。欽此。

又奉

上諭。梁章鉅奏請革除科場積弊等語。廣西省鄉試。向於至公堂前後。及龍門口。揀派弁兵。巡查彈壓。茲據該撫查明。向來傳遞槍冒各弊。卽由此而生。本科已將帳房三座。並龍門弁兵。一併裁撤。嗣後該省鄉試。年分卽著該監臨等。查照此次章程。認真辦理。其舊有弊端。永遠革除。欽此。

又覆准。刑部咨議准已革舉人楊懋建頂名冒考。應照例加一等發邊遠充軍。革生朱實聯號舞弊。應照例杖一百流三千里。已革監生高廷山幫同舞弊。應照例杖一百徒三年。監生沈兆蓉副貢生李宗淦聽從囑誘辦理膳錄係止圖謄寫端楷尙無弊混別情。究屬有違禁令。均應照律答五十。應否納贖等因具奏。奉

旨。刑部奏訊明科場舞弊確情。先就現犯分案擬結。此案監生沈兆蓉副貢生李宗淦應得答罪著不准其

納贖餘依議。欽此。查江蘇監生沈兆蓉。江西副貢生

李宗淦。應得答罪。奉

旨不准納贖。所有衣頂應卽斥革。

又會議御史李熙齡條奏一摺。查貢院轅門。例由大興宛平兩縣派役看守。現有門役張泳祥挾眷居住。貢院重地。務期整肅。該役等違例挾眷。自當嚴行禁止。嗣後應由該兩縣照例按月輪派妥役四名。小心看守。仍飭該兩縣不時稽查。如再有挾眷居住者。卽時究辦。再嗣後尋常

考試將東西牆外房屋門戶一律封固。俱由甄
門出入。仍照舊派兩縣典史在彼住宿。認真稽
查。卽可兼司貢院門戶。毋須另派委員分宿。以
免紛更。至鄉會試巡牆科道專爲稽查傳遞文
字等弊。與至公堂御史甄門御史。凡每日文移
往來。門戶啟閉。均需親身監視者不同。是以士
子在場之日。責令晝夜分巡。若三場畢後。士子
概行出場。實屬無可查察。自應仍照舊例辦理。
該御史所請於三場後。酌留巡牆御史之處。應

毋庸議等因奉

上諭本日據禮部等衙門會議御史李熙齡請嚴貢院門禁一摺貢院重地理宜嚴肅嗣後著大興宛平兩縣照舊派役看守一遇考試時俱著先期妥爲防範將挾眷居住者概行搬移並責成外場御史親往稽查儻有違例潛匿居住之人卽將該門役等懲辦並將該縣等叅處至尋常考試著將東西牆外房屋門戶一律封固俱由縣門出入仍派兩縣典史在彼住宿認真稽查毋須另派委員分宿以免紛更所有鄉

會試巡牆章程。仍著照舊辦理。該御史所請三場後酌留御史之處。應毋庸議。欽此。

道光二十年覆准浙江巡撫咨。道光十九年鄉試。邵麟本欲捐監進場。因無力報捐。憶及表兄沈璣前赴四川。未將監照帶去。起意向沈璣之妻。誑取監照。頂名應試。陳殿詔向在駱煦家教讀。乘駱煦外出。將照私取。王大猷以胞兄王殿勲患病。照料醫藥。隨在書箱內。將王殿勲監照私行挈取。各自往縣填冊。姚書懷因胞弟姚書

謨赴省應試。未經錄遺。因病身故。起意頂冒姚書謨監生考試。陸敬先於十八年赴川遊學。在外留鬚。因回籍鄉試。中途患病。於七月初間。寄信回家。未將留鬚一節敘及其父職員陸楷。因錄遺期迫。赴學代爲冊填無鬚。並將代填緣由向陸敬信知。陸敬於病痊後。逕行赴省與陳殿詔姚書懷王大猷邵麟。各赴學政投考。遺才俱行取錄。陸敬於往填鄉試卷面時。見學冊填寫無鬚。本欲呈明更正。恐誤考期。卽照填無鬚字。

樣迨鄉試點名時均經查獲嚴究各犯委無槍
替情弊童生陳殿詔姚書懷王大猷邵麟均請
各杖一百徒三年已革監生駱煦王殿勲沈璣
不將監照妥爲收藏致被陳殿詔等誣取冒考
均屬疎忽已革附生陸敬旣知冊貌未符並不
呈明更正復行照填應各照不應重律杖八十
生監業已斥革照例免其發落陸楷代子陸敬
填冊係屬違例應照違令律笞五十係職員照
例納贖。

又順天府議准順天鄉試貢院門啟閉章程一摺奉

旨。據卓秉恬奏。查明貢院委員擅行封門。尙無捏飾及別項情弊。惟未經回明監試。究屬疎忽。宛平縣典史吳斌。著交部議處。嗣後貢院封門。應如何明定章程。著順天府議奏。欽此。應請嗣後順天鄉試貢院封門。仍循照舊章。令監臨監試提調會同縣門御史管理其考試日。點進士子時。無論何門先完。卽先將一門封閉。迨四門士子全行點進。龍門內

稽查接談換卷之大臣。及二門散卷處。護卷之官兵。悉行出場。即將四門全行封鎖。惟每場供給各物及應行各處公文。俱於點進士子後。始能運送發行。應令暫留西右一門。俟各物全行送進。公文全行發出。然後悉行封鎖。其未封以前。仍由內外場監試。公同稽查。以杜弊混。而肅關防。

道光二十一年。准刑部議。覆廣西巡撫奏。鄉試士子。在場滋事。審明定擬一案。前奉

上諭梁章鉅奏。查出鄉試士子。在場滋事。照例懲辦。一摺。廣西臨桂縣生員秦承瀛。於首場點名時。擁擠爭先。該教官彈壓。反肆口辱罵。上林縣生員李天麟。於已交卷後。潛入號舍。經委員斥逐。反行拒毆。於士習殊有關係。著該撫親提研訊。按律定擬具奏。欽此。茲據該撫奏稱。秦承瀛因臨點時爭先越入。實因人擠不能退下。隨口混罵。並不敢有心辱罵教官。李天麟於交卷後。實因欲候同號之李東彥。一同出場。一時冒昧。恐被巡察官扭稟。向其支

撐。並不敢拒毆。李東彥並不知情等情。查士子鄉試。理應恪守場規。似此囂凌滋事。若僅斥革除名。照不應重律杖八十。免其發落。不足示懲。應如所奏。秦承瀛。李天麟。均應於杖八十外。再加枷號兩個月。滿日折責發落。以肅場規。而端士習。

又刑部議准。山西巡撫楊國楨奏。新中舉人郝命之。被控槍替一案。前奉

旨。楊國楨奏。新科舉人被控槍替一摺。山西本科中式

第二名舉人郝命之。被文水縣革生高鶴齡控稱係平定州廩生黃紱槍替。虛實均應澈底根究。著禮部卽將郝命之中式頭二三場墨卷解回山西。交該撫覈對筆蹟。並提集黃紱及高鶴齡。所控代覓槍替之舉人李慶長。審明有無聯號槍替情弊。按律定擬具奏。欽此。旋據該撫查明舉人李慶昌並非李慶長。廩生黃復並非黃紱。一併解省審訊。將郝命之比例擬軍。黃復減等擬徒等因。此案郝命之因鄉試頭場與黃復同號其頭二兩題文字適遇讀

過伊故父舊作。默記勝寫。將自作二藝。央允黃復酌改。得邀中式。雖無預辦聯號。僱倩槍代。及許給謝銀情事。究屬玩法。郝命之應革去舉人。比依越舍換寫文字例。發近邊充軍。黃復因鄉試頭場患病。經同號之郝命之用藥醫痊。嗣赴郝命之號舍點燈。見郝命之頭二篇文章俱好。三藝不佳。郝命之告知頭二篇錄舊實情。央其酌改。黃復輒應允改作。致郝命之微倖中式。雖非積慣槍手受財僱倩。惟業聽央改作。卽與越

舍換寫文字無異。厥罪惟均。該撫旣將郝命之
比例擬軍。而將代改文字之黃復減等問徒。係
屬同罪異罰。應卽更正。黃復應改照應試舉監
生儒。越舍與人換寫文字例。發近邊充軍。高鶴
齡因見黃復與郝命之同寓。詢悉同號交好之
言。輒藉端向郝命之挾借銀百兩。情殊刁詐。復
因訛詐未遂。捏控無干之李慶昌。與伊同爲郝
命之辦理聯號。僱倩黃復槍替。實屬妄捏。干已
情事。未便因郝命之微倖中式。案由此破。稍從

末減。應照例枷號三個月。發近邊充軍。李慶昌
訛無代辦聯號情事。應毋庸議。郝命之已斥革
治罪。其中式三場墨卷。毋庸解部磨勘。

又刑部議覆廣西巡撫梁章鉅奏稱。馬平縣革
生葉藻。與生員趙春元交好。因趙春元考選未
到。恐其遲誤。輒囑趙淳煜頂考。殊屬弊混。惟並
非賄囑誑騙。本生趙春元亦不知情。情罪稍輕。
律例內並無作何治罪明文。查葉藻起意囑令
代考趙淳煜聽囑頂名。厥罪惟均。應比例杖一

百徒三年。各到配柳號滿日。折責安置。生員趙春元。訊不知葉藻等代考情事。應免置議。

又刑部議准湖南邵陽縣拔貢生魏五達。詢知裘玉麟入場充當謄錄。囑將試卷認真謄寫。本年順天鄉試。新中舉人桂祥。蔣道軫。託辦修卷。輒於一場將頭場文字酌改。遞信至謄錄所。交辛六照改。鍾五亦於二場交受江蘇金匱縣監生鄒士超字條。令郭四代爲塗改頭場文字。均與傳遞無異。桂祥應革去筆帖式及舉人。蔣道

軫應革去舉人均照舉監生儒用財僱倩傳遞
例發近邊充軍。係旗人折枷七十五日。滿日鞭
責發落。順天新中舉人張襄。江蘇吳縣監生潘
曾瑋。金匱縣監生孫鴻基。浙江蕭山縣監生於
本茲。直隸天津縣廩生王承治。直隸已亥科副
貢生王承澤。各僱人修卷。訊係止圖書寫清楚。
應照違令律笞五十。孫鴻基王承治王承澤。聞
拏投首。應各減一等。笞四十。該舉人等辦理謄
錄已成。應否准其納贖。恭候

欽定其未獲之鄒士超魏五達。獲日另結等因奉

旨。此案辦理。謄錄之張襄潘曾瑋孫鴻基於本。茲王承治王承澤俱著不准納贖。餘依議。欽此。

又定郡王載銓等奏。科場積弊。請飭妥議章程。一摺。又給事中和豐奏。請推廣成例。以杜修卷。一摺。又御忠雷以誠奏。變通科場舊章。以絕積弊。一摺。疊奉

諭旨著一併交軍機大臣會同禮部順天府妥議。具奏等因。欽此。嗣經會議具奏。將各條開列於左。

計開

一奏解送謄錄於左臂用印

詳載謄錄所

一奏落卷持印票繳驗

詳載發領落卷

一奏推廣覆試

詳載覆試

一奏添派謄錄官

詳載順天鄉試執事官員駁案

一奏謄錄官記功

詳載順天鄉試執事官員

一給事中和豐奏稱關防彌封以絕修卷將彌

封謄錄二所隔絕等語查順天鄉會試彌封所

在至公堂東謄錄所在至公堂西原屬隔絕惟

責成監臨知貢舉。令彌封官將卷送至至公堂。卽將該所人役飭回。再飭膳錄官當堂領收。並嚴飭巡察各官。見有二所人役私相往來。立即從重究辦。

一御史雷以誠奏稱。裁撤飯夫。以杜傳遞。於初次點名酌給掛麪等語。查向例士子入場。給與飯粥肉食。

國家恤士之恩。至優且渥。惟實力防範。則諸弊自可潛消。應仍照舊章。責成監臨知貢舉監試等

官於散給粥飯時。親身督率委員分段稽察。加意防閑。於散完後。將飯夫盡數驅出柵欄。其有潛行復入者。立即懲辦。

又奏稱。空餘號內。酌添大小水缸。於士子未入場及出場時。注滿足用。封鎖柵欄。不許夫役赴號等語。查東西文場各有井一口。每場東西號舍。各需水五百餘缸。若令水缸一齊備足。勢必挹注不及。況留空號數百。以備注水。若士子較多。必不敷用。應飭令大宛兩縣。各僱水夫二十

名。造具名冊。由磚門搜檢。送至公堂點驗。再各
用白布一塊。分別東西場水夫。書寫姓名。至公
堂標碇。縫於各水夫衣背上。責成巡察御史。選
幹練委官。東西各四員。輪流分巡。其有井之號
毋庸編列坐號。專爲約束水夫之所。委官督令
於未點名時。注滿缸水。迨封號後。再令添注。每
次注畢。即將水夫關入井號。其有東西攙越。潛
入他所者。立即嚴拏究懲。

附載舊例

雍正八年議准。鄉會宿場舉子。無論五經專經。有謄寫未完。俱令監試提調等官。親身查閱。傳到至公堂。看其謄寫。並令背誦文字數行。以別真僞。

附載駁案

嘉慶二十二年。議奏御史周鳴鑾條陳鄉會兩科士子入場。如非本號。坐入別號。及本係東號。坐入西號者。顯係有心作弊。查出卽行參革。交刑部嚴訊。治以應得之罪等語。查例載士子入場接卷後。各歸號舍。違者卽行扶出。如有踰牆換卷傳遞代倩等弊。照例治罪。是士子亂號。經知貢舉監臨等官。訊出另有槍替等弊。自應交刑部照例治罪。例禁本嚴。如祇係認號錯誤。訊無別項情弊。卽照例扶出。已足蔽辜。該御史請分別亂號罪名。添擬條例之處。應毋庸議。又該御史奏稱。近科以來。舉子交卷。不候官爲開放。擅出柵欄擁擠。請於頭二三場交卷日。每

十號一時開放。完卷者先出。仍將柵欄封固。自北而南。半日總可放完等語。查士子交卷。雖例無明文。但向來號口。均係官爲開放。原不准士子擅出柵欄。若必彙十號爲一放。放完仍行封固。作爲定例。則先開之號。未必卽多完卷之人。未開之號。及再行封固者。僅完卷已多。致令久待。轉滋煩擾。該御史奏請定爲十號一放之處。亦毋庸議。

道光十五年。議覆御史松桂條奏嚴立場規。以清積弊一摺。查科場條例內。載場規。關防各條。本極周備。嗣經臣工條奏。臣部隨時覈議。擇其應行增改者。奏准遵行。於防弊之法。無微不至。如果在事者。任勞任怨。自可流弊肅清。不在多設科條。徒滋案牘。如該御史所奏。或係已定之例。或係議准之條。其間有增改之處。揆之例意。既有未符。參之現行。不免格礙。謹詳細覈議。逐條開列於左。

一奏請責成監臨等官查號。係屬舊例。主所稱

御史八員在棚放卷不能分身稽查請令監臨等於士子入號時隨查隨封之處查監試御史前經奏准令四員會同監臨等查號自應遵照辦理至未經封門之前士子紛紛入號於此時遽行查號恐滋煩擾應毋庸議

又奏稱士子入場祇將龍門內東西兩棚門開放其餘全行封鎖之處查至公堂左右號舍甚多士子領卷既應由甬道下雨旁棚門入號若將月台下兩棚欄封鎖其至公堂左右號舍無從得入實屬格礙應毋庸議

以上例有明文者本應從嚴查辦事多格礙者實難遽議更張至所稱彈壓等官不能經理場務應由御史叅劾之處查監臨監試各官本有互相稽查之責如有辦理不善者彼此均應據實糾叅原不必明立章程始能陳奏也

又議覆御史湯鵬奏科場弊竇請嚴行飭禁一摺原奏內稱士子頂替入場應由抄檢王大臣稽察接談換卷大臣遇有衣冠敝陋行走慌張

者隨時盤詰等語。查該員所奏係爲嚴防頂冒起見。惟欲禁頂冒之弊。全在臨場時按名識認。查定例鄉試時由八旗順天學政國子監出結各衙門傳知識認各員前赴點名處逐一識認頂冒自可肅清。至摺檢王大臣專司摺查懷摻稽察接談誤卷大臣係在龍門內查看卷面分別東西以防混亂。若如該員所奏由該王大臣等隨時盤詰不特人數衆多斷不能於倉猝之間揣摩形似且寒暖之士衣冠敝陋者居多進場忽遽時行走慌張亦復不免若遽指爲槍冒頂替加以盤詰捕風捉影殊不足以服士子之心。所奏應毋庸議。